

植物名實圖考長編

二十五

植物名實圖考長編卷之十四

固始吳其濬著

蒙自陸應穀校刊

毒草

大黃

商陸

狼毒

牙子

藜蘆

附子

附楊天惠彰明附子記

烏頭

天雄

側子

白附子

甘遂

大戟

澤漆

葭蓉

常山

蜀漆

雲實

藜蘆

天南星

虎掌

由跋

半夏

蚤休

鬼臼

射干

鳶尾

羊躑躅

芫花

蕘花

莽草

茵芋

石龍芮

牛扁

鉤吻

斷腸草

蓖麻

格注草

毛茛

博落迴

茛菪

續隨子

蕁麻

醉魚草

海芋

玉簪

鳳仙花

曼陀羅花

石蒜

杜鵑

蚤休

本草經蚤休味苦微寒主驚癇搖頭弄舌熱氣在腹中癩疾癰瘡陰蝕下三蟲去蛇毒一名蚩休

別錄有毒生山陽川谷及冤句

唐本草注今謂重樓金線者是也一名重臺南人名草甘遂苗似王孫鬼臼等有二三層根如肥大菖蒲細肌脆白醋摩療癰腫傳蛇毒有效

曰華子云重臺根冷無毒治胎風搐手足能吐泄瘰癧根如尺二蜈蚣又如肥紫菖蒲又名蚤休螯休也

本草綱目卷之二十一
圖經曰蚤休卽紫河車也俗呼重樓金線生山陽川谷及冤句
今河中河陽華鳳文州及江淮間亦有之苗葉似王孫鬼白等
作二三層六月開黃紫花藥赤黃色上有金絲垂下秋結紅子
根似肥薑皮赤肉白四月五月採根日乾用

本草衍義曰蚤休無旁枝止一莖挺出高尺餘顛有四五葉葉
有歧似虎杖心中又起莖亦如是生葉惟根入藥用

本草綱目李時珍曰重樓金線處處有之生於深山陰濕之地
一莖獨上莖當葉心葉綠色似芍藥凡二三層每一層七葉莖
頭夏月開花一花七瓣有金線蕊長三四寸王屋山產者至五

七層根如鬼白蒼朮狀外紫中白有粘糯二種外丹家采制三
黃砂乘入藥洗切片用俗諺云七葉一枝花深山是我家癰疽
如遇着一似手拈拏是也

和物名實圖考

男

鬼白

本草經鬼白味辛溫主殺蠱毒鬼疰精物辟惡氣不祥逐邪解百毒一名爵犀一名馬日毒公一名九白

別錄微溫有毒療欬嗽喉結風邪煩惑失魄妄見去目中膚翳殺大毒不入湯一名天白一名解毒生九真山谷及冤句二月八月採根

圖經曰鬼白生九真山谷及冤句今江寧府滁舒商齊杭襄峽州荆門軍亦有之多生深山巖石之陰葉似蓖麻重樓輩初生一莖莖端一葉亦有兩歧者年長一莖莖枯爲一白二十年則

二十白也花生莖間赤色三月開後結實根肉皮鬚並似射干俗用皆是射干當細別之七月八月採根暴乾用古方治五尸鬼疰百毒惡氣方用之一說鬼白生深山陰地葉六出或五出如雁掌莖端一葉如繖蓋旦時東向及暮則西傾蓋隨日出沒也花紅紫如荔枝正在葉下常爲葉所蔽未常見日一年生一葉旣枯則爲一白及八九年則八九白矣然一年一白腐蓋陳新相易也故俗又名曰害母草如芋魁烏頭輩亦然新苗生則舊苗死前年之魁腐矣而本草注謂全似射干今射干體狀雖相似然白形淺薄大異鬼白鬼白如八九天南星側比相疊而

色理正如射干用者當使人求苗採之市中不復有也

粵西偶記獨腳蓮草如黃蓮根而極大專治癰疽腫毒持入藥肆肆中諸藥香氣盡消以此爲真三腳五腳者次之

益部方物記冒寒而茂莖脩葉廣附莖作花葉蔽其上以其自蔽若有羞狀右羞寒花蜀地處處有之不爲人所愛根莖綴花蔽葉自隱俗曰羞天花予易爲羞寒花按本草曰鬼白

本草綱目李時珍曰鬼白根如天南星相疊之狀故市人通謂小者爲天南星大者爲鬼白殊爲謬誤按黃山谷集云唐婆鏡葉底開花俗名羞天花卽鬼白也歲生一白滿十二歲則可爲

藥今方家乃以鬼燈檠爲鬼白誤矣又鄭樵通志云鬼白葉如小荷形如鳥掌年長一莖莖枯則根爲一白亦名八角盤以其葉似之也據此二說則似是今人所謂獨腳蓮者也又名山荷葉獨荷草旱荷葉八角鏡南方處處深山陰密處有之北方惟龍門山王屋山有之一莖獨上莖生葉心而中空一莖七葉圓如初生小荷葉面青背紫揉其葉作瓜李香開花在葉下亦有無花者其根全似蒼朮紫河車丹爐家采根制三黃砂汞或云其葉八角者更靈或云其根與紫河車一樣但以白色者爲河車赤色者爲鬼白恐亦不然而庚辛玉冊謂蚤休陽草旱荷陰

草亦有分別陶宏景以馬目毒公與鬼白爲二物殊不知正是
一物而有二種也又唐獨孤滔丹房鏡源云木律草有二種根
皆似南星赤莖直上莖端生葉一種葉凡七瓣一種葉作數層
葉似葶麻面青背紫而有細毛葉下附莖開一花狀如鈴鐸倒
垂青白色黃蕊中空結黃子風吹不動無風自搖可制砂汞按
此卽鬼白之二種也其說形狀甚明

義寧州志瓊田草服食譜云生於分寧山中八月十五日拔之
一名長生草一名玉芝山谷詩自注子瞻詩所記胡道士玉芝
一名瓊田草者俗號爲唐婆鏡葉底開花故號羞天花以予考

之實本草之鬼白也歲生一白如黃精而堅瘦滿十二歲可爲藥就上生節取一白勿令大本知也煮麪如餛飩皮裹一白吞之數日不飢吞三白可辟穀也黃龍山老僧多采而斷食令人體臞而神王今方家所用鬼白乃鬼燈檠而姚寬西溪叢話瓊田草生分寧山谷間有瓊田草經一卷八月十五日採之草有十名曰不死草長生草又曰苦芙之類

射干

本草經射音夜干味苦平主欬逆上氣喉痺咽痛不得消息散結

氣腹中邪逆食飲大熱一名烏扇一名烏蒲

別錄微温有毒療老血在心脾間欬唾言語氣臭散胃中熱氣
久服令人虛一名烏嬰一名烏吹一名草薑生南陽川谷田野
三月三日採根陰乾

蜀本草注云射干微寒具圖經云高二三尺花黃實黑根多鬚
皮黃黑肉黃赤今所在皆有二月八月採根去皮日乾用之

本草拾遺射干鳶尾按此二物相似人多不分射干總有三物

佛經云夜干貂獠此是惡獸似青黃狗食人郭云能緣木又阮公詩云夜干臨層城此卽是樹今之射干殊高大者本草射干卽人間所種爲花卉亦名鳳翼葉如鳥翅秋生紅花赤點鳶尾亦人間所種苗低下於射干狀如鳶尾春夏生紫碧花者是也圖經曰射干生南陽川谷田野今在處有之人家庭砌間亦多種植春生苗高二三尺葉似蠻薑而狹長橫張竦如翅羽狀故一名烏嬰謂其葉耳葉中抽莖似萱草而強硬六月開花黃紅色瓣上有細文秋結實作房子黑色根多鬚皮黃黑肉黃赤三月三日採根陰乾陶隱居云療毒腫方多作夜干今射亦作夜